



Broj predmeta: **UP-I-37-000058/14**  
Broj akta: 0313SR-001/14  
Datum, 16.6.2014., godine  
Mjesto, Brčko

Na osnovu člana 22. Zakona o Vladi Brčko distrikta BiH («Službeni glasnik Brčko distrikta BiH» broj: 19/07, 36/07,38/07,2/08,17/08,23/08,14/10,28/12), a u skladu sa članom 29. stav (6) Zakona o visokom obrazovanju u Brčko distriktu BiH («Službeni glasnik Brčko distrikta BiH» broj: 30/09) članom 187. Zakona o upravnom postupku Brčko distrikta BiH-prečišćeni tekst („Službeni glasnik Brčko distrikta BiH“ broj: 48/11), Standarda i normativa za obavljanje djelatnosti visokog obrazovanja na području Brčko distrikta BiH, konačnog izvještaja Komisije za ocjenu uslova za obnovu dozvole za rad Visoke škole računarstva i poslovnih komunikacija eMPIRICA u Brčko distriktu BiH i zahtjeva Visoke škole računarstva i poslovnih komunikacija eMPIRICA u Brčko distriktu BiH, šef Odjela za obrazovanje, Momčilo Poljić donosi

### **RJEŠENJE** **o obnovi dozvole za rad**

1. Visoka škola računarstva i poslovnih komunikacija eMPIRICA sa sjedištem u Brčko distriktu BiH, Bulevar mira bb ispunjava uslove za obnovu dozvole za rad i nastavak rada.
2. Nasatava na Visokoj školi računarstva i poslovnih komunikacija eMPIRICA u Brčko distriktu BiH odvija se na dva studijska programa: Polsovna informatika i Inženjerska informatika.

### **O b r a z l o ž e n j e**

Visoka škola računarstva i poslovnih komunikacija eMPIRICA u Brčko distriktu BiH podnijela je Odjelu za obrazovanje zahtjev za donošenjem rješenja o obnovi dozvole za rad Visoke škole računarstva i poslovnih komunikacija eMPIRICA u Brčko distriktu BiH.

Odjel za obrazovanje je rješenjem broj: predmeta: UP-I-37-000001/12, broj akta: 0285RG-001/12 od 05.01.2012. godine odobrio osnivanje i početak rada Visoke škole računarstva i poslovnih komunikacija eMPIRICA sa sjedištem u Brčkomi upis iste u Registar visokoškolskih ustanova i to sa dva studijska programa: Poslovna informatika i Inženjerska informatika.

Odlukom šefa Odjela za obrazovanje imenovana je Komisija za ocjenu uslova za obnovu dozvole za rad Visoke škole računarstva i poslovnih komunikacija eMPIRICA u Brčko distriktu BiH.

Komisija je dostavila konačan izvještaj 05.06.2014. godine u kojem stoji:

#### **Organizacijske jedinice „Visoke škole računarstva i poslovnih komunikacija eMPIRICA ”**

Organizacijske jedinice u sastavu „Visoke škole računarstva i poslovnih komunikacija" su:

##### **A. Centar za cjeloživotno učenje**

Centar djeluje sa sljedećim ciljem i zadacima:

Izvođenje obuke iz područja IT-a – standardni tečajji

ECDL program - ECDL centar,

Cisco Academy program - Lokalna Cisco akademija.



Izvođenje obuke prema potrebama određenih skupina – specijalistički tečaj, Ispitni centar za industrijske certifikate  
Persons VUE.

### **B. Centar za učenje na daljinu**

Centar je organizacijska jedinica unutar „Visoke škole računarstva i poslovnih komunikacija“ koja inicira, razvija i upravlja studijskim programom koji se izvodi na daljinu. Osnovni zadaci Centra su da omogući: pristup svim studentima koji su registrirani za studijski program na daljinu do svih konkretnih usluga podrške, adekvatne i tečne informacije o studijskim programima na daljinu, potrebnu komunikacijsku infrastrukturu, stalnu obuku nastavnog i administrativnog osoblja u području tehnologija i didaktike obrazovanja na daljinu, kako bi visokoškolska ustanova i distribucijski studijski centri imali adekvatne obrazovne resurse, razvoj i unapređenje obrazovnog procesa i proizvodnje obrazovnih resursa za obrazovanje na daljinu, korištenje obrazovnih resursa i komunikacijskih tehnologija, adekvatan sistem operacijskog rješavanja žalbi i zahtjeva studenata koji studiraju na daljinu, te da razvije i promovira jasna pravila o: produkciji obrazovnih resursa i osiguravanju autorskih prava (*copyright*), upotrebi IKT tehnologija i pristupa njima, upotrebi virtualnih biblioteka - vlastitih, partnerskih ili iznajmljenih, distribuciji didaktičkog materijala i e-predmeta, produkciji i upotrebi elektronskih obrazovnih materijala i multimedijjskih sadržaja.

Komisija konstatira da su prethodno raznačeni centri u potpunosti s ciljevima Bolonjske reforme i modernom koncepcijom izvođenja nastavnog procesa, u skladu s načelima dobre prakse i uvođenja formalnih mehanizama za unapređenje nastavnih sadržaja, te u skladu sa strateškim dokumentom Europske Unije: „Standardi i smjernice za osiguranje kvaliteta u Europskom prostoru visokog obrazovanja“, a posebno cijeneći činjenicu kako je ovo prva visokoškolska ustanova u široj regiji koja omogućuje koncept cjeloživotnog učenja i studij na daljinu zasnovan na standardima i normativima koji se primjenjuju u EU.

### **Nastavni planovi i programi**

Nastava na „Visokoj školi računarstva i poslovnih komunikacija“ odvija se na dva studijska programa, a to su:

Poslovna informatika

Inženjerska informatika.

Komisija konstatira kako Samoevaluacijski plan i dostavljena dokumentacija sadrži plan i program za oba studijska programa u tabličnom prikazu koji prikazuje nazive predmeta, pripadajući broj sati kontaktne nastave (predavanja, auditorne vježbe, laboratorijske vježbe, drugi oblici studiranja) i broj ECTS kredita, razvrstanih u 6 semestara studija. Također, Elaborat sadrži detaljan opis općih i specifičnih znanja, profesionalnih vještina i sposobnost, koji stječu studenti tijekom studiranja, za svaki studijski program, koji su u skladu s naznačenim planom i programom.

### **Pravila studiranja**

Rad „Visoke škole računarstva i poslovnih komunikacija“ zasniva se na principima pune institucionalne i akademske autonomije, primjenjujući visoke standarde osiguranja kvalitete, kojima su studenti i ishodi učenja u primarnom fokusu. Studenti se tijekom studija uče kreativnom, intuitivnom i praktičnom razmišljanju, kako bi znanja i vještine kvalitetno primijenili koristeći se suvremenim materijalima, instrumentima, alatima i metodama, u okviru svojih kompetencija, autoriteta i profesionalne autonomije.

„Visoka škola računarstva i poslovnih komunikacija“ slijedi visokoškolski okvir konzistentan s principima i vrijednostima europskog područja visokog obrazovanja (EHEA), onako kako ga gradi Bolonjski proces, uključujući ENQA standarde i smjernice za osiguranje kvalitete u europskom



području visokog obrazovanja. Budući se pravila studiranja baziraju na Bolonjskom modelu, tako su i nabrojana:

**Priznavanje diploma:** Priznavanje diplome izvan Bosne i Hercegovine osigurano je samim načinom osnivanja, s obzirom da se radi o preuzimanju jednog nastavnog programa (dualna diploma) koji se izvodi na Visokoj školi za poslovne vede u Ljubljani, Republika Slovenija (članica Evropske Unije), te obogaćivanjem drugog programa nastavnim sadržajima iz domena priznatih svjetskih industrijskih certifikata.

**Diploma Supplement:** „Visoka škola računarstva i poslovnih komunikacija“ izdaje obavezan dodatak diplomi (Diploma Supplement) s ciljem harmonizacije i omogućavanja mobilnosti studenata s visokoškolskim institucijama u zemlja na potpisnicama Bolonjskog procesa, odnosno omogućavanja lakšeg zapošljavanja u svim zemljama EU zone.

**Trajanje studija i ECTS kreditni sustav:** Studij traje tri godine, ukupno šest semestara, po dva godišnje, ljetni i zimski. Svaki semestar traje 15 tjedana nastave i nosi 30 ECTS kredita.

**Način izvođenja nastave:** Nastava se izvodi kombiniranjem klasičnog obrazovanja s tehnologijama i metodama obrazovanja na daljinu uz uporabu sinhronog i asinhronog pristupa (videokonferencije, webinar, web platforma za učenje na daljinu - LMS/LCMS sustav, multimedijalna interaktivna e-gradiva, sinhrona i asinhrona komunikacija, socijalne mreže, i drugo).

**Obrazovni resursi:** Obrazovni resursi koji se koriste u obrazovanju na daljinu su: elektronski obrazovni materijali, štampani materijali (knjige, priručnici, skripte, zbirke zadataka i dr.), uputstva za studiranje za studente i tutore i drugo. Elektronički obrazovni materijal (e-gradivo) bit će prilagođen specifičnostima studija na daljinu i u pogledu kvaliteta, sadržaja i opsega u potpunosti odgovarati ciljevima obrazovanja, nastavnom planu i programima predmeta. Osnivači „Visoke škole računarstva i poslovnih komunikacija“ izjavljuju kako posjeduju suvremenu programsku i strojnu opremu potrebnu za razvoj, upravljanje i isporuku e-gradiva koja će biti: sadržajno jasna, obogaćena multimedijalnim sadržajima, koji povećavaju razumljivost gradiva, obogaćena interaktivnim elementima, koji podržavaju aktivno učenje (interaktivna pitanja, testovi, veze na druge izvore...).

Komisija konstatira kako je sve navedeno u skladu s Bolonjskim procesom i strateškim dokumentom Evropske Unije: „Standardi i smjernice za osiguravanja kvaliteta u Europskom prostoru visokog obrazovanja“.

#### **Akadske titule, znanstvena i stručna zvanja koja se stječu po završetku studija**

Nakon završetka „Visoke škole računarstva i poslovnih komunikacija“, studijski program Poslovna informatika, stječe se diploma bachelor. zvanje: **BACHELOR POSLOVNE INFORMATIKE**

Nakon završetka „Visoke škole računarstva i poslovnih komunikacija“, studijski program Inženjerska informatika, stječe se diploma bachelor. zvanje: **BACHELOR INŽENJERSKE INFORMATIKE**

Komisija konstatira kako su navedena zvanja u skladu sa predloženim Planom i programom studija, te navedenim općim i specifičnim kompetencijama.

#### **Financijska sredstva za ispunjenje uvjeta**

Prezentirana je financijska analiza sa specifikacijom troškova i potrebnih financijskih sredstava za uspješno izvođenje nastavnog procesa „Visoke škole računarstva i poslovnih komunikacija“.

#### **Prostor za izvođenje nastave**

Visoka škola računarstva i poslovnih komunikacija izvodi nastavu u prostoru ukupne površine 506 m<sup>2</sup>, koji se sastoji od predavaonice s 80 mjesta, predavaonice s 40 mjesta, računarskog kabineta s 20 mjesta i IKT laboratorija, što zadovoljava propisane standarde za prvu godinu studija definirane u dokumentu „Standardi i normativi za obavljanje djelatnosti visokog obrazovanja na području Brčko distrikta BiH.“

Komisija konstatira kako su osnivači predvidjeli potreban učionički prostor u skladu sa standardima i normativima i očekivanim brojem upisanih studenata na oba studijska programa.



Nakon pregleda navedene dokumentacije Komisija je konstatala sljedeće:

5. lipnja/juna 2014. godine Komisija je izvršila obilazak škole eMPIRICA čije se prostorije nalaze u Ulici Bulevar mira bb. Posjet je izvršen u prisustvu osnivača, nastavnog osoblja i studenata eMPIRICE.

Prilikom posjeta Komisija je obavila odvojene razgovore s osnivačem, s nastavnim i administrativnim osobljem i sa studentima.

## OCJENA ISPUNJENOSTI OPĆIH UVJETA VISOKE ŠKOLE „eMPIRICA“

U skladu zakonskim normama i propisima Brčko Distrikta BiH i Bosne i Hercegovine može se konstatirati sljedeće:

- u skladu s Pravilnikom o postupku za ocjenu uslova za rad visokoškolskih ustanova u Brčko Distriktu BiH (članak 4.) dostavljena je sva potrebna dokumentacija;
- izvršena je potpuna usuglašenost sa Standardima i normativima za obavljanje djelatnosti visokog obrazovanja na području Brčko Distrikta BiH;
- Visoka škola eMPIRICA izvodi nastavu na dva studijska programa: Poslovna informatika i Inženjerska informatika, čime je ispunjen uvjet iz Standarda i normativa za obavljanje djelatnosti visokog obrazovanja na području Brčko Distrikta BiH;
- Visoka škola eMPIRICA ispunjava opće i posebne uvjete sukladno Standardima i normativima, ima nastavnike i asistente za nastavne predmete koji pokrivaju traženu kvotu od ukupnog broja ECTS bodova za semestre i cikluse u radnom odnosu s punim radnim vremenom;
- eMPIRICA ima nastavne planove i programe donesene u skladu sa Zakonom;
- eMPIRICA ima osigurana novčana sredstva za rad visoke škole, organiziranje i izvođenje znanstvenih studija i provođenje nastavnih programa u cijelosti;
- u cilju osiguravanja minimalnih uvjeta za obavljanje djelatnosti visokog obrazovanja, zdravstveno-higijenskih, sanitarnih i ostalih, utvrđuje se optimalna površina ukupnog prostora po jednom studentu (za usmjerenje Poslovna informatika 6 m<sup>2</sup> po jednom studentu, a za usmjerenje Inženjerska informatika 12 m<sup>2</sup> po studentu), te stoga eMPIRICA, uz plan odvijanja nastave u dvije smjene, zadovoljava i ovaj kriterij.
- kriterij koji se odnosi na osiguranje toaleta je također ispunjen, jer u svakoj prostoriji eMPIRICA nalazi se po jedna kabina;
- prema IV. dijelu Standarda i normativa može se konstatirati kako Visoka škola eMPIRICA ispunjava kriterij koji se odnosi na broj i strukturu nastavnog kadra, utvrđenu u skladu s nastavnim planom i programom, kao i optimalnom prosječnom opterećenju u pogledu broja sati predavanja;
- broj knjižničara/bibliotekara i radnika studentske službe određen je u skladu sa Standardima i normativima (po jedno radno mjesto - dostavljena dokumentacija na uvid);

Komisija je dala **POZITIVNO MIŠLJENJE** i preporučila Odjelu za obrazovanje izdavanje rješenja o ispunjavanju uvjeta za obnovu i nastavak rada Visoke škole Računarstva i poslovnih komunikacija eMPIRICA.

Na osnovu gore navedenog odlučeno je kao u dispozitivu rješenja.

**Pouka o pravnom lijeku:** Ovo rješenje je konačno u upravnom postupku i protiv istoga se može pokrenuti upravni spor pred Osnovnim sudom Brčko distrikta BiH, u roku od 30 dana od dana prijema rješenja.

DOSTAVITI:

1. eMPIRICA
2. Dosije
3. Arhivi



ŠEF ODJELA:

Momčilo Poljić